

U. N. C.
FIRENZE
1059
8





TV
7

1059-8

Illustrifs. & Reverendifs. Dom.
D. CAIETANO
MACCHIAVELLI
 Illustrissimæ Religionis Sancti Stephani
ANTISTITI
E T
STUDII PISANI PROMOTORI
S E
SUAMQUE THEOLOGIAM
D. D. D.
 STEPHANUS A S. PAULO SCHOLAR. PIAR.



FLORENTIÆ, MDCCV.
 Apud Petrum Matini Archiepiscopalem Typog. *Sup. per.*

THE
FEDERAL
BUREAU OF INVESTIGATION
UNITED STATES DEPARTMENT OF JUSTICE

WASHINGTON, D. C. 20535

MEMORANDUM

TO :

FROM :

SUBJECT :

RE :

DATE :

BY :

1. [Illegible]

2. [Illegible]

3. [Illegible]

4. [Illegible]



ME
ILL. ET REV. ME
D O M I N E



Rassantium deterrita bellorum periculis quodnam Tribunal appelleret scientiarum Regina, nisi Tuum, **ILLUSTRISIME**, ac **REVERENDISS. DOMINE**, qui ad pacis otia eruditus scientiarum calamitates compati, easdemque tueri non dedignaris.

Vidit illa plerosque, quorum sub auspicijs exiret; ac nullum se dignum auspicata est, nisi Te, qui pluribus virtute antecellis, qui omnes aut naturæ, aut dignitatum splendore superbientes superas: utpotè qui omnium invidiam viciisti, eò virtutum Tuarum meritis assurgens, qua tecum nata, tecum crevit, videntur, qui invidia nec audet, nec sequi potest. Maximum felicitatis Theologia nostræ argumentum, quod tuis sub auspicijs eam sentiat ætatem, qua florent incrementa virtutum, quum vitiorum terror habearis, qui virtutum Te præbes exemplar: unico tamen sibi indignatur infortunio; hæc nimium temporum labe se Tibi devovere, timet siquidem ne infelicitatum pressuris ascribatur, quod utcumque patrocinantem adierit; qua meritum tuorum vis extitit, quod optimum elegerit. Et sive quem ad Tui amorem non instrueret maiestas illa lenitati emancipata, Sapientia, quam iungis humanitati; Pietas, quam publico bono devoveret?

4
 non tamen hæc laudum tuarum Jeges. Novum de Te dicendi genus
 assumo, ne assentiri videar, veritatem denuncians: Etenim iam
 cessat ætati Ambitio, ambitiois laus, communia plerisque exbantiâs,
 quæ magis deberentur viris: ideoque Tibi. Dicam itaque, quæ non
 gessisse tua gloria est. Nullum habuisti virtutum tuarum exemplar,
 quod imitareris; utpote Te non dignum, quid vulgare saperet, exis-
 timasti. Plura ad populorum stuporem gessisti; itaut Te ipsum pend
 vicisse crederemus; qui ad maxima genus, etiam in magnis Te non-
 dum attingeras: Hinc quid acturus sis intenti expectamus; neque
 enim nobis, quid licet heroicum fingere possumus; quin à Te quid supra
 heroicum expectemus. Nimo verborum strepitu Te non prosequor,
 ILLUSTRISIME, ac REVERENDISIME DOMINE,
 temporis iam elapsi experientiam testem producens, & evadem futuri.
 Habuerunt cur de Te superbirent dignitates, quæ esse virtutum meri-
 tum dedidicere, quum se ipsas Tibi obtulerunt, ut virtus magnificen-
 tius ornaretur. Quas tamen suscepisti? Maluisti dignitates mereri,
 quam meritorum assequi præmium; Studiorumque in Pisano Lyceo
 protectionem suscepisti, ut Patrocinantis merita augeres patrocinij lau-
 des aspernaretis: ac in tanta meritorum copia, & hoc renuisti: lau-
 dari. De Te silentium indicis: de rebus à Majoribus Tuis præclarè
 gessitis me nihil fari permittis. Observantia legibus perstringar. At
 cedat excitatus modestia rubor, & si possem, numquam unus omnia
 complecti vellem, ne plurimorum subirem invidiam, quos in partem
 glorij laboris expecto. Hoc unum meæ observantia præstes; Theolo-
 gicas Thebes Tui nomine non amplificationis suco, non titulorum fastu,
 non Rhetorum phaleris exornato inscriptas egredi: satis enim ad mei
 tutelam, ad Tui laudem nomen Tuum. Benigno itaque, ut soles in-
 tuitu hanc obsequij mei tesferam admitte, & qui compos es magnæ
 virtutis, sis pariter compos maioris felicitatis, & fortuna. Sic vo-
 cæo ex Florentino Scholarum Piarum Collegio.


Dominationis Tuae Illustrissima, ac Reverendissima

Humill. ac Obsequentiſſ. Famulus
 Stephanus à S. Paulo.

CON-

CONCLUSIONES THEOLOGICÆ.

DE VERA RELIGIONE.


1  Era aliqua est Religio, in qua Deo vero verus cultus, & honor exhibetur. Hæc, licet non indigeat rationibus intrinsicis comprobari, admittit tamen extrinseca argumenta, quibus evidenter credibilis fiat, eamque amplecti omnes teneantur, & quidem ex corde; ita ut licitum non sit Religionem simulare, aut extrinsecè negare, contra Helcefaitas; quamvis liceat fuga declinare persecutionem, adversus Montanistas. Martyrij tamen sanctitas, & necessitas man festissima est, contra Gnosticos.

2 Sola Christiana vera est Religio, eaque manifestis signis evidenter credibilis. Notæ verd credibilitatis quinque assignantur: Verus prædictio, Evangelij per omnes terras propagatio, Dogmatum sanctimonia, & æquitas, Miraculorum magnitudo, & varietas, invictissimorum Martyrum triumphus.

3 Inter Religiones, quæ Christianæ esse, & dici volunt, sola vera est Catholica Romana, quæ Romanum Pontificem Christi Vicarium in terris, Petrique Successorem veneratur; eaque sola insignitur quadruplici illo charactere; qui ad veram Ecclesiam dignoscendam exigitur, & in Nicæno Symbolo traditur. Una, Sancta, Catholica, & Apostolica est. Quibus Ecclesiæ Romane doctibus additur antiquitas, firmitas, & visibilitas.

4 Non solum quæcumque Infidelium sectæ sunt omnino incredibiles & rationi contrariæ; verum etiam omnes aliæ Hæreticorum. Quas inter præter Religionum neutralitatem, quæ ad scelera omnia ipsumque Atheismum aditum facit, damnatur Lutherana & Calviniana, quæ tantam præferunt incredibilitatem, ut inexcusabiles prorsus sint earum sectatores.

DE SACRA DOCTRINA.

1  Vera Religio indiget Sacra aliqua Doctrina, per quam & fideles confirmet, & Hæreticorum sophismata dissolvat. Ecclesiæ itaque Dei necessaria simpliciter est Theologia, quæ vera scientia est, licet in hoc statu careat evidentiâ; quia Scientiæ Beatæ subalternata, ab ea in evidentiâ suorum principiorum dependet. Una simpliciter est tum ex unitate obiecti formalis, Dei scilicet sub ratione Deitatis, tum ex ratione formali sub qua, Divina nempe revelatione virtuali.

6 Est eminenter practica, & speculativa; & quamvis non entitativè, obiectivè tamen, & originativè supernaturalis est, cum habeat, & obiectum, & principia supernaturalia. Hinc est, quod tam certitudine obiectiva, quàm formali, omnes naturales scientias antecellat, & earum principia ad suum revocet examen. Unde vera Sapientia est.

DE LOCIS THEOLOGICIS.

Cum Theologia sit habitus discursivus, habet sua Loca, ex quibus argumenta eruat, Decem enumerant: Sacrae Scripturae auctoritas; Apostolorum traditiones; Ecclesiae Universalis consensus; Generalium Conciliorum definitio; Decisio Summarum Pontificum; Sanctorum Patrum, & Ecclesiae Doctrina, Augustini praecipue & Thomae testimonia; Theologorum, & Canonistarum sententia; Philosophiae; & rationis naturalis pondus; Legistarum, & Philosophorum concordia; Historia denique humana ex fide dignis Scriptoris.

8 Scriptura Sacra vulgatae editionis, quae longo tot saeculorum usu in Ecclesia probata est, & distinctio per Sixtum V. & Clementem VIII. diligentissime emendata, infallibili pollet auctoritate. Per Scripturam autem Sacram, intelligendi Libri illi omnes, qui ut Canonici à Tridentina Synodo Sess. 4. suscipiuntur.

9 Hi Libri omnes, de quorum auctoritate iudicare, ad Ecclesiam, eiusque Caput spectat, integri cum omnibus suis partibus à Deo sunt inspirati. Unde nefas est eos corrigere, & ab ijs ad Hebraica, Graecaeque exemplaria provocare, etsi LXX. Interpretum editioni, venerationis plurimum deferamus. Et quamvis eorum lectio utilissima sit; iustis tamen de causis vulgari lingua legendos, proficuo vulgo interdicit Ecclesia.

10 Sacrae Traditiones, quae ab Apostolis nunquam interrupta serie ad nos pervenerunt, veluti Spiritus Sancti voces, scripto non alligatae recipiendae sunt: Sicut etiam quidquid tenet, vel sentit errori minime obnoxia, & inconcussa, veritatis arbitria Ecclesia Catholica, ad quam soli Fideles pertinent, siue boni, siue mali, & potissimum Episcopi iudices controversiarum.

11 Symbolum, quod Apostolorum dicitur verè ab ijs & traditum, & compositum est. Apocryphae verò sunt Constitutiones Apostolicas, & Clementi Romano suppositae. Octoginta quinque Canones, qui Apostolici inscribuntur, incertum an ab ijs prodierint; illis tamen effectos esse validissimis argumentis comprobatur.

12 Ex Apostolica traditione manavit Ecclesiae Romanae, aliarumque disciplina Pascha celebrantium die Dominica post Lunam 14. primi mensis. Controversiae nihilominus de legitimo celebrandi Paschae tempore, inter Asiaticos, & alias Ecclesias mota, ad disciplinam dnmtaxat, non ad Fidem spectarunt.

13 Ante Paschale Ieiunium ex Apostolica traditione acceptum, quadraginta, circiter dierum spatium perduravit. Ad illud tenerentur Fideles, quamvis ab Ecclesia institutum putarent. Longè diversa à Montanistica superstitione Romanae Ecclesiae Ieiuniorum Religio. Abstinentia à carnibus, quidquid blaterant Calvinistae, Ecclesiastici Ieiunij semper pars fuit.

14 Infallibile est OEcumenicum Concilium, duce Spiritu Sancto, approbante; & confirmante Romano Pontifice, congregatum, qui Ecclesiae Universalis Episcopus & Primas, ita solus generalem Synodum cogere potest, ut supra ipsam supremam auctoritatem, & potestatem habeat. Quare in quæstionibus iuris errare nullo modo potest cum à Cathedra definit, licet quoad quæstiones facti, errori aliquando possit esse obnoxius.

DE DEO, ET EIUS ATTRIBUTIS.

Deum existere est per se notum in se: nobis verò naturaliter evidenter innotescit à posteriori per effectus, qui impossibilem reddunt Dei ignorantiam. Metaphysicum eius constitutivum est Divina intellectio per modum purissimae actualitatis.

16 Attributa, nec inter se, nec cum essentia pariuntur distinctionem formalem ex natura rei, sed tantum virtualem. Perfectiones omnes creatae in Deo includuntur.

cloduntur aliquæ formaliter, aliquæ virtualiter. Infinitus proinde ab intrinseco, est in omni genere entis. & immensus. Omnibus præfens intimè per suam operationem virtualiter transeuntem.

DE VISIONE DEI.

17 Visionis Dei possibilitas est naturaliter indemonstrabilis, & ad eam ita necessarium est lumen gloriæ supernaturale, ut nec istud per aliud suppleri possit, nec possibilis sit substantia, quæ naturaliter Deum videat.

18 Non datur potentia obedientialis immediatè activa. Unde lumen gloriæ est adæquata, & immediata virtus eliciendi actum visionis, cuius inæqualitas remotè ex inæqualitate meritorum, proximè ex inæqualitate luminis procedit, & ad eam elevari nequit oculus corporeus.

19 Ita essentia Divina per se ipsam immediatè unitur intellectui Beato sine specie impressa, ut hæc sit impossibilis sicut & expressa. Repugnat pariter Deum à creatura comprehendi. Unde in eo videri non possunt omnia possibilia: quævis quæ sunt in eo formaliter, omnia necessariò videantur.

20 Beati vident in Deo ea omnia, quæ in hoc Mundo fiunt pertinentia ad proprium statum: & licet in mortali vita nemo fuerit permanenter Beatus, fuit tamen aliquis transeuntes, ut Divus Paulus.

DE SCIENTIA DEI.

21 Divinus intellectus per omnimodam scientiam, omnia comprehendit, ita tamen, ut sola Divina essentia sit eius obiectum-primariū, tam motivum, quàm terminativum. Cætera à se cognoscit in seipso tamquam in causa & medio prius cognito. Duplex tamen distinguitur in eo scientia, una quæ attingit possibilia, & dicitur simpliciter intelligentiæ, altera dicitur visionis attingens futura, quæ sunt illi physicè præsentia in æternitate.

22 Scientia visionis est causa non solum ducitiva; sed etiam effectiva rerum juxta ideam, quæ in Divina mente datur, & nihil aliud est, quàm ipsa creatrix essentia diversimode participabilis. Ante Divinum Decretum nulla res est determinatè futura. Unde futura absoluta cognoscit Deus in Decreto omnimodè absoluto; conditionata verò in Decreto absoluto ex parte actus, conditionato ex parte obiecti. Quapropter scientiam mediam prorsus rejicimus.

DE VOLUNTATE DEI.

23 Sicuti intellectus Divinus intellectionem habet à se virtualiter indistinctam; ita volitionem voluntas, cuius obiectum formale, & motivum & terminativum est sola Divina Bonitas, quam formaliter necessariò amat, & ex eius amore effectivè res præsentès & futuras, non autem possibiles.

24 Amori, quo Deus homines amat formaliter coniungitur zelus, quo impios punit, ita exigente iustitia vindicativa: cum qua unitur distributiva, non tamen commutativa supremo dominio repugnans. Spes quoque, Timor, Tristitia, Odium, Ira, & Desiderium, in Deo esse non possunt.

25 Voluntas Divina libera est per liberam terminationem ad creaturas, deservibiles sub conceptu terminationis, non verò entitatis, & perfectionis. Non potuit tamen voluntas manere suspensa à libero decreto de summatione, vel non summatione rerum.

DE OMNIPOTENTIA, ET PROVIDENTIA DEI.

26 Facultas creandi ita propria est infinitæ Dei potentie, ut creatura, nec principaliter, nec instrumentaliter creare possit. Anima noonisi à Deo creatur, sed non ante corpora, itaut in illis incarcerationetur propter peccatum,

tam, ut effugiebant Origenistæ. Omnipotentiam comitatur Providentia formaliter ad intellectum pertinens, quæ, licet permittere possit mala, omnia tamen ad bonum finem ordinat, quem semper assequitur.

DE PRÆDESTINATIONE, ET REPROBATIONE.

27 **P**rædestinatio principaliter in actu intellectus consistens, non habet pro motivo prævisionem meritorum, sed voluntatem Dei gratuitam. Eius effectus inter alia sunt, permissio peccati, gratia efficax, licet per peccatum interrupta, & actus supernaturales.

28 Reprobatio positiva prævisas culpas supponit, non sic negativa. Prima permissio Peccati, & aliorum, necnon perseverantiæ in illis, & impenitentia finalis, sunt Reprobationis effectus.

29 Aeterna est Dæmonum, hominumque reproborum damnatio, contra Origenistæ; unde commentitia est Traiani ab Inferis liberatio precibus D. Gregorij.

DE TRINITATE.

30 **S**anctissimæ Trinitatis Mysterium, etiam revelatione supposita demonstrari nequit. Dantur reverà in Deo tres Personæ, contra Sabellium, aliosque Hæreticos. Duplex datur processio ad intra, quarum principium est intellectio & volitio, connotantes Paternitatem, & Filiationem. Spiritus Sanctus non est Filius, nec genitus, quia per voluntatem procedit.

31 Ex processionibus quatuor relationes sequuntur, quæ secundum esse ad, perfectionem non dicunt, nec habent proprias existentias. Distinguant inter se Personas Divinas, quas sub conceptu subsistentiæ relativæ constituunt: præter quas datur subsistentia absoluta, Naturæ Divinæ propria.

32 Quamvis Verbum Divinum non generetur per se ex cognitione futurorum, necessariò tamen procedit ex cognitione Essentiæ, Attributorum, & Possibilitatis. Spiritus Sanctus, ita petit procedere ex duali us personis, ut tamen iste sint unum tantum principium spirans; & si à Filio non procederet, ab eo non distingueretur.

DE ANGELIS.

33 **A**ngeli propter omnimodam materiæ carentiam ab intrinseco incorruptibiles, & solo numero immultiplicabiles, sunt in loco naturali per operationem virtualiter transeuntem; in violento per passionem, & existere possunt in qualibet minima parte loci etiam in puncto, sicut & transire de uno extremo ad aliud intacto medio.

34 Scipios intelligunt per propriam substantiam, cetera à se per species infusas, eò universaliores, quò perfectior Angelus. Sunt ab intrinseco inflexibiles in eo, quod deliberatè elegerunt, etiam in primo peccato, quod non potuit esse in primo instanti; & fuit superbia propriè dicta. Omnes tam boni, quàm mali simul creati sunt in principio Mundi. Non sunt Mundi cotidores, contra Simonem Magum.

DE PRIMA RERUM CREATIONE, ET ALIIS AD SACRAM HISTORIAM SPECTANTIBUS.

35 **O**mnia Deus in tempore, non ab æterno creavit, unde materia illi cœterna non fuit, ut somniavit Hermogenes. Sex diebus hæc operi iuxta Moysis recensionem destinatis, qui dies naturales fuerunt secundum communem Patrum assertionem, & magis obvium Scripturæ textum.

36 Sexta die primus omnium hominum Adam formatus contra Præadamitæ, indeque in Paradisum translatus. qui verus locus in terris fuit, non metaphisicus, ut erravit Origenes; eumque censemus à Diluvio deletum Negare æternam Adam salutem, hæresin sapit. Defendere non possumus Lamechum, qui primus polygamiam induxit, quamvis Patriarchæ plures habuerint uxores.

37 Enoch à Deo in incertum locum translatus adhuc vivit. Dei Filij, qui Gen. 6. leguntur cum filiabus hominum commixti, non Angeli, sed veri homines fuere, sicut & ab ijs procreati Gigantes. Arni Mosæici vel pares nostris, vel non multùm breviores fuere. Diluvium Nœticum universale fuit, non solum Palestinæ, contra Præadamitæ.

38 Melchisedech, verus homo, contra Melchisedechianos, Rex Salem, & Dei Sacerdos non fuit sem filius Noë. Liber Iob contra Lutherum, veræ Historia est, non fabula: sicut & Liber Tobie, contra Paulum Fagium. Iephthæ filiam suam impiè immavit.

DE GUBERNATIONE DEI.

39 **S**Uavi Deus regimine omnia moderatur, singulisque hominibus Angelorum custodiam destinavit. Cum quo stat, quod interdum miracula efficiat, quæ neque Dæmon, neque alia creatura operari potest.

DE BEATITUDINE.

40 **I**N Deo non solum ut uno, sed etiam ut trino ultima supernaturalis Beatitudo sita est; & clarè visus necessarid amatur. Formalis autem Beatitudo in actu visionis, non amoris, seu fruitionis consistit. Repugnat duos ultimos fines adequatos ab eadem voluntate simul intendi.

DE ACTIBUS HUMANIS.

41 **H**omo libero arbitrio prædatus est, quo & bonum operari, & peccatum vitare possit, contra Manichæos. Hinc est quod non dantur homines natura boni, aut mali, ut impiè adfluxerat Saturninus.

42 Omissio voluntaria non est, nisi detur præceptum non omittendi, & actus qui sit causa, vel occasio omittendi. In individuo non datur actus indifferens, & actiones exteriores nihil intrinsece bonitatis, aut malitiæ addunt internis actibus. Non licet sequi sententiam minus probabilem in concursu probabilioris.

DE LEGIBUS.

43 **I**N iure naturali, eadem manente præcepti materia, Deus dispensare nequit; cuiusque invincibilis ignorantia dari non potest. Legis positivæ, & huiusmodi, cessante adequata causa, cessat obligatio; quemadmodum Lex vetus in morte Christi cessavit, quamvis per aliquod postea tempus mortificata non fuerit.

DE VIRTUTIBUS.

44 **V**irtutes, quæ sine Charitate perfectæ non sunt, ita inter se connectuntur, ut una perfectè sine alia non comparetur: & in altera vitæ, quoad conformitatem appetitus cum ratione permanebunt. Perfectiones autem acquisite sunt morales infusæ, quæ vitæ spirituali, cum Sinitus Sancti Donis necessariæ sunt.

DE FIDE.

45 **F**idei Theologicæ obiecto annexa quidem obscuritas est, sed non ex eius ratione formali; itaut, stante evidentia in attestante, Fides non destruat. Ut aliquod dogma de fide universaliter credatur, requiritur Ecclésiæ

Ecclesie propositio. Quod si quis unum articulum inficietur, nulli credere censensus est, quamvis ijs assentiri videatur, quæ à quolibet Catholico Fide explicata sunt tenenda, Incarnationis scilicet & Trinitatis mysteria.

45 Per peccatum Fides non amittitur, quæ quodcumque naturale principium certitudine longissime excedit, & ad cuius professionem aliquando obligamur.

DE SPE.

47 **I**dem sequitur Spes Theologica, aded Catholicis etiam peccatoribus necessaria, ut si cui divinitus facta fuisset damnationis ob liberam peccatum infligendæ revelatio, adhuc sub mortali teneretur æternam vitam sperare.

DE CHARITATE.

48 **T**ertius Theologicus habitus Charitas est, quæ primariò amore saltèm appetitativo diligit Divinam Bonitatem; secundariò Proximum, quæ etiam Inimicum amare iubetur, quidquid aliqui in Lege Mosaicâ odium inimicorum licitum malè asserant. Charitas autem ut augeatur exigit actum æqualem, vel intensiorem.

DE VITIIS, ET PECCATIS.

49 **C**uiuslibet peccati malitia formaliter consistit in privatione debitæ reſtitutionis: nam si nulla daretur æterna Lex, nullum daretur peccatum formaliter. Et cum peccata ex obiectis, & circumstantiis specie distinguantur, multiplicantur ex varijs præceptorum motivis.

50 Peccatum mortale gratiam Dei non competit; bonè tamen veniale, quod etiam quantum ad formale in appetitu sensitivo inveniri potest. Omnium malorum radix est originalis culpa, quam in omnes homines (excepta Beata Virgine) ab Adamo transfusam docet Catholica Fides.

DE GRATIA.

51 **I**n statu naturæ lapsæ minores sunt hominis vires in bonum, quàm fuissent in statu naturæ puræ absolute possibili. Non ita de statu iustitiæ originalis dicendum, aded perfectio, ut nec mortis, nec venialibus peccatis obnoxius esset.

52 Quanta sit homini lapsæ gratiæ necessitas, hinc patet, quòd cum sola concursu generali, non sufficiat nec ad opera supernaturalia, nec ad bona opera moralia, nec ad vitandas graves tentationes, nec ad Deum super omnia efficaciter diligendum, nec ad legem naturalem implendam. Ad vitanda tamen omnia peccata venialia exigitur præter gratiam specialem, specialissimum privilegium, soli Deiparæ concessum.

53 Ad iustificationem requiritur tanquam causa formalis Gratia habitualis realiter distincta ab habitu Charitatis, à solo Deo principaliter producibilis, cuius naturam participat. Undè peccatum quoad intrinsecam maculam remitti nequit absque mutatione intrinseca peccatoris.

DE INCARNATIONE.

54 **D**ominica Incarnatio est naturaliter indemonstrabilis: cuius motivum adæquatum fuit humani generis redemptio, unde si Adamus non peccasset, Verbum non venisset. Pro peccato mortali simpliciter in ratione offensæ infinito satisfacere de condigno non potuit purus homo. Christus verò satisfecit, non solum de condigno; sed etiam de rigore iustitiæ.

55 Hanc Incarnationem, qua Verbum omnes Humanitatis partes, & Sanguinem assumpsit, & assumere potuisset quamcumque aliam naturam, Christus non

non meruit. In ea Deus verum corpus non phantasticum assumpsit, contra Basilidem, nec illud à Cælo detulit adversus Valentinum, sed à Virgine accepit, non tamen ex consortio eiusdem cum Ioseph, ut deliraverunt Ebionitæ. Non dividitur Christus à Iesu, neque est purus homo, ut nefariè asseruit Cerinthus.

56 In Christo præter gratiam substantialem admittenda est accidentalis: & licet ratione unionis hypostaticæ omnino impeccabilis fuerit, liberè tamen Patris præceptis obtemperavit, mortuus pro omnium hominum salute.

57 Is Ecclesiam fundavit, ac D Petrum eiusdem visibile caput instituit, quem etiam reliquorum Apostolorum Principem fecit. Petrus verò Romæ sedit, atque ibi in xristus est. Unde Romani Pontifices ei succedunt in Ecclesiastica Monarchia.

58 Christi Regnum post universalem hominum resurrectionem, non terrestre, sed celeste futurum est; graviter proinde erravit Cerinthus asserens terrestre futurum, ac mille annorum numero consumendam.

DE SACRAMENTIS.

59 **S**acramenta novæ Legis, gratiam ex opere operato physice instrumentaliter efficiunt, alia primam, alia secundam, præter quam ius quoddam ad specialia auxilia primario conferunt. Character enim trium Sacramentorum proprius, & intellectui impressus, effectus est secundarius.

60 Omnia Sacramenta in signo sensibili essentialiter consistunt, forma, & materia constant immutabili, & ad validitatem requirunt intentionem Ministri facienti actum, ut Sacramentalem. In solo statu innocentie, non extiterunt Sacramenta, utpotè nonnisi homini lapsò necessaria.

DE BAPTISMO.

61 **B**aptismus bene suppletur in casu necessitatis per flamen, & sanguinem, licet Iudeorum, & Gentium Parvulis valide conferatur, invitis tamen parentibus universaliter non licet. Recedente fitione, gratiam confert quam prius in actu contulisset.

62 Baptismus ab Hæreticis collatus adhibita convenienti materia, & forma, verbis Evangelicis expressa validus est, proindeque iterari non debet. Cyprianum, & Firmilianum contrariæ sententiæ inhaerentes (quod ad Fidem non spectare dogma crederent) non excommunicavit, sed de excommunicatione minatus est Stephanus Romanus Pontifex. Is tamen non approbavit omnium Hæreticorum Baptisma variantium essentialem Ecclesiæ ritum.

DE CONFIRMATIONE.

63 **I**terabilis pariter non est Confirmatio, verum novæ Legis Sacramentum, cuius materia proxima inunctio est Chrismatis ad modum Crucis. Eam suscipere quilibet tenetur saltem in casu profitende Fidei. Ministrare autem solus Episcopus potest. An ex Romani Pontificis dispensatione simplex etiam Sacerdos, probabiliter controversitur.

DE EUCHARISTIA.

64 **E**ucharistia verum est Sacramentum, simul & Sacrificium, in quo verè, realiter, & substantialiter permanet Corpus, & Sanguis Christi cum Anima, & Divinitate, Pane, & Vino per transubstantiationem, quæ est actio productiva secundum quid, in Corpus, & Sanguinem Christi conversis. Panis triticus, & Vinum usuale sunt necessaria huius Sacramenti materia; unde errarunt Encratitæ solam aquam in Sacrificio adhibentes. Panis azymus convenienter adhibet Ecclesia Latina, Vinumque modica aqua mixtum.

65 Hæc sola verba: *Hic est Calix Sanguinis mei*, sunt formæ essentialis consecrationis Calicis, non verò sequentia. Et quamvis dux sint species, unicum tamen est Sacramentum; nec potest una species per absolutum Summi Pontificis auctoritatem in altera consecrari. Non constitit hoc Sacramentum in solo usu, contra Lutheranos, & adorandum est adoratione Latræ.

66 Solus Sacerdos Eucharistiam conficere potest, eamque omnes adulti, præcepto Ecclesiastico, & Divino, aliquando sumere iubentur, non tamen in utraque specie: quia cum utriusque speciei communio minimè sit omnibus imperata à Christo; nec omnibus necessaria, ab usu Calicis vulgus iuste prohibuit Ecclesia.

DE POENITENTIA.

67 Verum Sacramentum est Poenitentia, in qua Sacerdos solus eius Minister est; & ut index, non ut peccator à peccatis absolvit, nec ullum verè poenitentem excludere potest, cum nullum sit crimen, quod Ecclesiæ clavibus remitti non possit, contra Novatianos. Per peccatorum remissionem merita mortificata in sua proportionem reviviscunt.

68 Ad hoc Sacramentum Confessio per se exigitur, sed non publica, quæ olim in usu non fuit, nec ullis Ecclesiæ legibus sancita. Exigitur etiam dolor de peccatis, & satisfactio, quæ licet primis Ecclesiæ temporibus publica quandoque præscripta fuerit, nihilominus probabile est, quod publice poenitentiae addicti fuerint solum publici peccatores.

DE EXTREMA UNCTIONE.

69 Verum itidem novæ Legis Sacramentum Extrema Unctio, à Christo Domino institutum, adversus Lutheranos, & Calvinistas. Oleum ex olivis expressum huius materia remota est, quod tamen, non de Sacramenti, sed de præcepto, & quidem probabiliter Divina, necessitate, debet esse ab Episcopo benedictum.

70 Animi infirmitates sanare, peccata dimittere, & corporis morbum, si ita expediat amovere, huius sunt effectus Sacramenti; cuius Minister est Sacerdos, potestatem habens vel ordinariam ut Parochus; vel delegatam, ut cui Parochus facultatem dedit. Subiectum est infirmus periculosè laborans, cui sæpius potest concedi in eadem infirmitate, secundum diversum tamen infirmitatis statum.

DE ORDINE.

71 Ab Ordine femine omnino excluduntur, & non solum Presbyteratus, sed etiam Diaconatus veram huius Sacramenti rationem habet. Episcopatus est veluti Sacerdotij complementum. Diaconis, quamvis olim licuerit poenitentes cum Ecclesia reconciliare, nunquam tamen absolutionis Sacramentalis impertiendæ facultas concessa. Non ad profanæ, & vulgaris mense, sed ad Sacre ministerium Septem Diaconi ab Apostolis electi fuerunt. Nicolaus Diaconus à Nicolaitarum hæresi vindicari aliquomodo potest.

DE MATRIMONIO.

72 Matrimonium suapte natura indissolubile, solo contrahentium consensu perficitur. Licitum est transire ad secundas, tertias, &c. nuptias contra Montanistas; Et nuptiæ absolute licite sunt, quidquid in oppositum blasphemaverint Marcionitæ, Encratitæ, Manichæi, &c.

LAUS DEO.

Disputabuntur publicè in Eccl. S. Mariae de Riccis Scholarum Piarum
Mense Die Hora

99338055



C



